



15802

kat. komp.

I

Maa. St. Dr.


P


Herlii Joan: Lex Valeria, sive an perduc
tioni delatus inaudita causa interfici
possit.

15802 I



~~2294~~ *Panno.*





LEX VALERIA;
 sive,
 An perduellionis delatus inau-
 ditâ causâ interfici possit;

enucleata,

&

Ex probatissimis quibusq; histo-
 ricis, variis rerum eventibus, monitis politicis,
 aliis juris Cæsarei capitibus, Ddq; au-
 thoritatibus breviter illu-
 strata,

per

JOANNEM BERLIN Angermund. March.
 Curiz Provincialis Ducat. Glogov.
 Advoc.

ANNO

MDCXXXIV.

LESNÆ Polonorum excusa.

LEX VALERII

An peditio debeat inu-

duci et inuolui pedit;

con-

Ex peditio debeat inu-

duci et inuolui pedit;

con-

con-

con-

con-

JOHANNES BERLIN AUGUSTUS, M. D. C. C. C. C.


JOHANNES BERLIN AUGUSTUS, M. D. C. C. C. C.

AD-

ANNO

MDCXXXIV

JOHANNES BERLIN AUGUSTUS, M. D. C. C. C. C.



Mirabilis omnino scriptor, qui seriò hoc ipsum agit, quod non agit, nec historia solum est, sed velut hortus, & seminarium praeceptorum, sapientia simul & prudentia verus Dux, C. Cornelius Tacitus, quem si unquam in manibus hominum versari utile fuit, his certe temporibus, & hac scenâ rerum expedit, censente magno politico, & philologo Justo Lipsio lib. 1. polit. & in praef. Taciti de Clodij Macri, haud dubiè in Africa turbantis, jussu Imp. Galbae; Et C. Fonteij Capitonis in Germania, ejus tantum criminis delati, antequam juberentur, à legatis legionum facta cade, libr. 1. histor. scribit: Ultraq; cades sinistrè accepta est; Et invisum semel Principem seu benè, seu malè facta premunt, &c. Capitonem occisum qui queri non poterant, tamen indignabantur &c.

Quid Egra Variscorum¹⁵ Febr. fuerit actum cum Alberto, ex Wallensteinis Baronibus Bohemicis, Duce Fridlandiae, Sagani, Glogoviae, &c. Augusti nostri Imperatore bellico; Christiano ab Illov, generali Campi Marschallo; Guilhelmo Comite de Kynzky; Ertmanno Comite de Terzky, Legionariis; & Heinricho Niemannio Trib. equitum; conferre, ut putamus, terrarum orbi innotuit.

A variis eâ de re varia passim audiuntur judicia, Non uno ab eo an simile quid contigerit; & quid pro justitiâ, bonoq; simul publico visum fuerit sapientioribus, non nostris, sed eorum potissimum, quos allegavimus, verbis, generaliter, & in thesi (hypothesi, quod protestamur, aliis reservantes) odio procul & amore, juxta monitum Caesaris ap. Salust. de conjur. Catil. proponere est animus. Commodius autem id fieri haud posse putamus, quàm si finem discursus nostri indigitando constituamus questionem: An perduellionis, aut læsæ Majestatis delatus inaudita causâ interfici possit?

Solon, qui dicitur Athenas equo jure fundasse, interq; septem sapientia notos fuisse Senec. ep. 110. jubet talem judicio sisti, ac judicari



cari: *Plutarch. in parall. Solon. & Publ. M. Antoninus Phil. Imp. Collegæ suo L. Vero admonenti de periculis imminentibus ab Aufidio Cassio, inter alia hac commoda rescribat, quod non posset reum facere, quem nullus accusasset, & milites amarent. Vulcat. Gallican. in Cass. Verba profectò digna philosopho pro firmando statu Reipl.: ne scilicet rei, inauditi, & indefensi, tanquam innocentes periisse putentur: Tacit. d. l. & 15. ann. & evitetur seditio ad vindictam: Sæpè enim alii, etiam si nullam societatem cum talibus contraxerunt, tamen oppressorum misericordiâ, metuq; ejusdem sortis, iis opitulantur, & sub specie ultionis in vindicandis injuriis succedunt.*
ex Orat. Cicer. ad Senat. apud Dion. libr. 44. Afflictæ magnatum fortunæ faciliè multorum opes alliciunt ad misericordiam, Cicer. p. L. Manil. Furius Camillus M. Manlium Torquatum tyrannidis affectata reum in jus vocari, ac causam dicere jussit, nec inauditum necari voluit. Liv. lib. 6. Plutarch. in Camill. Flor. l. 1. Valer. Max. l. 6. c. 3. n. r. Eodem modo actum fuit, cum Sp. Cassio perduellionis insimulato: Liv. lib. 2. Dion. Halicar. lib. 8. Valer. Max. d. c. Cicer. philip. 2. & in Orat. pro domo Marc. Cæsto: Pet. Ærodi. lib. 1. rer. judic. post. Frustrâ a historiis accusatus à Jacobo Fontejo de prisca gente Cæstorum c. 3. Extat enim apud Valer. Max. lib. 2. c. 7. n. 15. Cæsto autem, non tam severitas discipline militaris, quàm perduellio, & invasio imperij, infcio populo, apud Senatum causa fuit supplicij ex L. Valeria, de quâ infra ex authoribus allegatis. Et Asiatice, Cæstus cædis delato apud Claudium, quamvis secretò, & summarissimè, vel, ut Tacitus loquitur lib. 11. ann. non datâ senatus copiâ, intra cubiculum Claudii; vel, ut Dio lib. 60. apud ipsum Imperatorem, audito.

Eloquentiæ Romana princeps, & idea perfecti oratoris Antonius, ad depulsionem Legis Appuleiæ Majestatis, in causa Norbani, referente Cicerone 2. de Oratore ob excitatam seditionem, & in eâ incarcerationum, & carnificis manibus miserrimè enecat. Q. Servilium Cæpionem, de quo Valer. Max. lib. 6. c. 9. n. 13. demonstravit, etsi omnes molestæ seditiones fuissent, iustas tamen fuisse non nullas, & propè necessarias. Sic translatus est in Scholis J.ctorum, cum vix ullum delictum tam sic notorium, quod habere non possit aliquam excusationem, etiam ad
summa-

summariam informationem facti reum citandum esse, ad minimum ad allegandas causas, quare non censendus sit incidisse in poenam legis prætense: De quo satis prolixè in causa anno Christi 1478. die 13. Aprilis, laqueo suspensi Francisci Salviati Archiepiscopi Pisani; & carcerati Raphaelis Riarii Cardinis, à Laurentio Mediceo, & aliis Florentinis, Egnat. lib. 6. cap. 5. Fulgos. lib. 6. c. 3. contra Sixti IV. Pp. excommunicationem scripserunt Marian. Socinus inter conf. Curt. Senior. conf. 20. Arretinus conf. 163. Hieron. de Tortis conf. impresso post consil. Butrij, & alij, quos allegat & sequitur Menochius de arbitrio jud. quæst. cas. 542. n. 21. & seqq. & Clarus prax. Crim. q. 9. n. 3.

Idq; fieri non caret ratione. In monarchico enim statu aliàs auri vis, & opes semper infensæ Principibus, Sosibio monente ap. Tacitum d. lib. 11. ann. de Tyberio in specie idem ibid. & lib. 6. in exemplo Sex. Marij. & Dio lib. 58. de Caligula Dio lib. 59. de Nerone, Xiphilin. & Tacit. lib. 12. in exemplo Statilij Tauri, lib. 14. Seneca, lib. 16. Mella, in Agric. matris Agricola de Maximino Capitolin. Addiderimus nos & rerum gestarum gloria. Nam Principes nihil magis, noctes atq; dies mordet, quàm si ea non sua, sed Ducum suorum virtuti, ac prudentiæ adscribatur. 1. Samuel. 18. v. 7. Plato de rep. pag. 725. Diód. Sicul. 19. c. 71. Demosth. in orat. ad Philip. epist. callido sapè artificio à malevolis aulicis, quos pessimum genus laudantes nominavit Tacitus in Agric. ejus quasi interpretes Polyb. lib. 4. in fin. & Mammert. paneg. ad Julian. Lips. ad Tacit. pagin. 565. Quæ omnia more suo sic contraxit arcanorum dominationis oculatissimus observator Tacitus lib. 1. hist. Nobilitas, opes, omitti, gesti q; honores, pro crimine; Et ob virtutes certissimum exitium. Ipsi igitur Ducibus summo studio imitandum exemplum Joab; 2 Sam. 12. v. 27. Germ. Cas. Tacit. l. 2. ann. Jugurthæ, Salust. in Jugur. L. Pisonis, Vell. Patern. lib. 2. Agricola, Tacitus in Agric. rati conscientiam facti satis esse. Tacit. d. l. nec cogantur contra suos Claudios cum Cn. Domitio Corbulo super felicitate præcorum Ducum suspirare Dio lib. 60. vel cum Martio Corichano apud Tullum, & ingratos Antiatres sub velocitate javælorum lapidum exspirare Plutarch. in Coriolano Dion. Halic. lib. 8. In populari verò, & optimarum statu nihil frequentius, quàm invidere, calumniari, & odisse, quorum virtutes adæquare non possunt malevoli. Plena exemplorum Græca, Romana,

omniumq; gentium est historia. Per legitimos igitur tramites calumniantium iniquitates expellere expedit: Si enim accusasse sufficit, quis erit innocens, ut laudabiliter, cetera illaudabilis apostata Julianus dixit? Ammian. Marcel. lib. 18.

E contrario antiquorum scripta, & Leges, perduelles, Majestatisq; delatos occidi jubent, intersectoribusq; premia maxima proponunt l. 35. ff. de relig. & sumpt. fun. Eodim. de rep. lib. 2. c. 5. in pr. Jo. n. Sarisber. l. 8. Polier. c. 17. in pr. & lib. 3. c. 15. 18. 19. Lips. ad Tacit. pag. 198. 524. Valeria Lex, quam ex causa ab Halicarn. & Valer. Maxim. lib. 4. c. 1. n. 1. prodita Fasces Vallerii nominat Cicero ap. Dion. Cass. lib. 45. (tertio post exatios Reges, & Vr. Con. 243. anno lata, de qua prater Valer. Max. & Halic lib. 5. Lib. lib. 2. Plutarch. in parall. Solonis & Publici) primo occidere, postea necis causam judicari sanciebat, Si quis injussu populi magistratum adisset, aut regni occupandi consilia iniisset:

Videbant enim viri prudentissimi, libertatisq; patrie amanissimi, quoties nec leges satis tuerentur tranquillitatem publicam, nec magistratus ad LL. tutelam sufficerent, & in temporum novitatibus opus esset institutis non tam optimis, quam ad presentem rerum statum accommodatissimis, necesse esse etiam tyrannica interdum potestate uti. Dion. Halic. lib. 5. Ideoq; etiam Valeria nec quicquam derogabat Lex Portia de suppliciis, vel jure Civitatis Scipio Gentil. de L. Portia thesi 59. & 148. quam non M. Portius Cato Censorinus, ut perperam multi, etiam alias magni, opinantur; sed Portius Laca tribunus pl. tulit. Idem th. 4. & de L. Cornelia th. 26. ex antiquo nummo, in cujus una parte P O R T I U S L Æ C A, in altera P R O V O C O. Hinc reperitur apud Sall. de Catil. itum est in Catonis sententiam, conjuratores more majorum puniendos esse censentis. Sic apud Sueton. in Nerone c. 49. Nero cum hostis fuit judicatus à Senatu, pronunciatum est, ut more majorum puniretur.

Ex eadem Lege Valeriâ etiam manavit, quòd, secus quam in omnium aliorum scelerum reatu convictis contingit, perduellionis delatus non integro statu mortuus fuisse putetur, qui ante damnationem à vita properavit, nisi ab heredibus aut successoribus suis purgetur; adeo prius judicatus, quam accusatus censetur l. ult. ff. ad Leg. Jul. Mus. d. 6. 7. 8. eod. in C.

Ad hanc Legem Valeriam respexit J.C. Ulpianus (argto l. 14. ff. de cap. & post-lim. rev. l. 118. ff. de verb. sign) in l. 6. § 9. ff. de injus. rup. & irr. f. s. cum, ait: Si fortè latro manifestus, vel seditio prærupta, (nota eadem phrasia Tacito lib. 5. ann. prærupta, &urgens, vel ut legit Lips. vergens dominatio) factioq; cruenta, vel alia justa causa moram non recipiant, non pænæ festinatione, sed præveniendi periculi causâ punire permittitur, deinde scribere &c.

Rebellemq; impunè occidi, & deinde judicari posse, communem esse opinionem scripserunt, Bossius in tit. de heret. n. 19. & in tit. de crim. lese Mti. n. 119. Philip Portius lib. 1. opin. comm: concl. 1. Gigas de crim. lese Mti. lib. 3. rubr. de pluribus & variis quest. q. 13. n. 5.

Sicq; de facto consulti responderunt, Ruinus conf. 4. lib. 5. Ferret. conf. 31. Videantur Br. ad extravag. & And. Geil de PP. lib. 2. c. 3. Gabr Rom. lib. 7. concl. 11. Decian. § 61. 3. conf. 19. n. 87. ibiq; alleg. & in tr. Crim. lib. 7. c. 40. Pe-regrim. de jure. fisci. tit. 1. lib. 5.

Quæ verò ex Socino, Aretino, Torto, Menochio, Claro, & aliis, de citatione ad allegandas causas depulsionis Legum, in criminibus etiam notoriis, supra adducta fuerunt, de larantur non procedere, quando ex evidentiâ facti, puta in homicidio, planum est, nullam reo posse competere defensionem, qb qualitates, à lege requisitas ad necessariam defensionem, deficientes: ut illi ipsi dictis locis, & Socinus præterea Decitatione art. 7. n. 7. & Ilico Ummig in Process. diff. 5. n. 44 tradiderunt.

Eadem aut similis Lex viguisse videtur apud antiquos Germanos nostros ab ætate Herminij. Cheruscorum Ducis, à Romanis in devictam istam partem Germaniæ illata, argu. nento eorum quæ habet Diol. 56 & Flor. lib. 4. c. 12. Well. Patere. lib. 2. Tacit. 1. ann. Et exemplorum Principum, qui ob turbas Reip. & libidinem dominationis in omnes, vel in exilium pulsi, vel etiam ex insidiis suorum oppressi fuerunt, de quibus ex Græcis, Latinis, & nostratilis historicis Goldastus lib. 1. Bohem. à cap. 4. usq; ad 8. non à Carolo M. primò inventa, sed per concessam autoritatem informata, de qua Mxerstorius in Cosmogr. Aventinus lib. 4. ann. Bojar. Caspar Schütz rer. Pruss. pag. 171. Mercator ex Aenea Silv. in descript. VVestphal. Ejusq; mentio aliqua in Recensibus Imperij in Reform. Fridr. I. I. anno 1442. Maximilian I. anno 1455. vulgò dicitur das heimliche Westphalische Gerichte: Et ab Herm. co F. II. Imp. anno 1312 in Insuëriam reducta; à gl & Ed. vocatur

secreta.

secreta informatio. extat in extravag. tit: quomodo in laesa
Majestatis crim. procedend.

Rationes satis pręgnantes Ulpianus, Vir non in scholis tantum, sed in ipsa Rep. versatissimus, Imper. Alexandri Cancellarius addidit. Respexit autem procul dubio ad Marc. Portij Catonis consilium ap. Sal. l. 1. st. de Catilin. Conjur. Cętera, inquit, maleficia tunc persequare cum facta sunt, hoc nili provideris, ne accadat; ubi evenit, frustra judicia explores. Quod ejus monitum cum Cicerone Senatus Romanus secutus est, magisq; apud omnes laudem ex eo meritus fuit Cato, consentibus Joan. Friderico, Elect. Sax. & Philippo Landgraffio Hessæ, in scripto quodā cōtra Heinricum Ducem Brunf. ap. Hordled. l. 4. c. 5. n. 29. de causis belli Germ. Faciunt tradita Vellej Patere. l. 2. Ad quam sententiam Catonis in plurimis collimant ea, quę habet Dio lib. 45. in orat. Ciceri contr. Anton. inter quę hoc quoq;: Plura negocia oportunitate occasionum, quā viribus rectē confectū esse. Pharesmanes Rex Iberiæ per filium suum Rhadamisum fratri Mithridati regnum Armeniæ erepturus, eumq; occisurus, suadebat filio vim differendam, & potiozem esse dolum, quo incautus opprimeretur. Tacit. 11. ann. Omnium pręstantissimum, judicat Plutarchus in panall. Pelopida & Marcell. per tenebras, & fallaciam rerum gestarum tollere tyrannos.

Et quis cohortibus armatum in jus etiam vocaret? quis arces ac propugnacula tenentem comprehenderet? nonne pręstabilius est vim adhibere, quā legis actiones nimis religiose conquirere? Bodin. de Rep. lib. 2. c. 5.

Tritissimum est, inter arma silere Leges, Sic C. Marius reprehensoribus suis, quod in bello Cimbrico quadam juri contraria egisset, respondit, se ob armorum strepitum Legum vocem non potuisse exaudire. Plutarch in Mario, & Rom. apoph. Et Pompejus Mamertinis Messanensibus in jus ad se vocatis, sed fori pręscriptionem ex speciali Privilegio, a Romanis concessō, epponentibus; nunquamne nobis gladiis scintillis Leges recitare desinetis Idem in Pomp. Quod ipsum si ullo in alio, certe in nostro casu locum habet. Hic tibi plus sit buccina, quā gallo- rum cantus, plus acies instruere, quā actiones instituere, plus pilo, quā

quàm stylo pugnare. Nam quid mollia in durissimis? Neceſſitas hic in tempore, spes in virtute, una ſalus ex victoria. Magnus magnorum debellator & victor expertus monet: In ſummo periculo timorẽ miſericordiã non recipere. *Cæſar. lib. 7 belli Galliçi. Et Cato: Verendum, ne manſuetudo, & miſericordia, ſi talis arma ceperit, in miſeriam convertatur* *Salluſt. ibid.* Odium ultra metum etiam durat. & ne in victis quidẽ deponitur, neq; ante in viſus quis eſſe deſinit quàm eſſe deſiit, *Paterc. lib. 1.* Si igitur in præſentiã creſcentis plãtæ radicem facilẽ præcidere poſſis, non eſt cunctandum, nec expectandum, ut acceptam injuriam periculo ulciſcaris, cum adverſarii conatus opprimere liceat, ſicuti de Palæologo Lachana cadem procurante narrait *Gregoras lib. 5. c. 5.* Et ſatius eſt perdere, quàm ipſe perire. Quod nimis ſerò ſapuit Titus Veſpaſianus Imperator, amor & delitia humani generis dictus, qui jam agonizans ſuſcepit calum, multumq; conqueſtus eſt, eripi ſibi vitam immerenti; neq; enim extarre ullum ſuum factum penitendum, excepto duntaxat uno. *Sæton. in Tit. c. 10.* quod videlicet Domitianum fratrem, à quo certò ſciebat ſibi inſidias parari, non interfeciſſet, explicante Xiphilino ex *Dion. lib. 66.*

Præterea ita armatorum ſolas minas ledendi Principes, qui adeo hoſpes in hiſtoriis, ut nesciat plus periculi creaffe rebus. & incommodi, dilata quàm celeriter expedita ſalute civium, quæ ſuprema Lex Reip. Saluti autem unius membri ſalus totius corporis præferenda, *Authent. res qua. C. communia de legat Cic 1. offic. & 8. Philipp. Digitum præcidere oportet, ſi ob eam rem gangrana non ſit ad brachium ventura, Varro in fragm. Et jaclura unius civis finiat inſtignum bellum, vociferabantur optimates in condemnatione Manlij apud Liv. lib. 6.* Fortes ac ſtrenui inſiſtunt ſpei, timidi & ignavi ad deliberationem formidine properant *Tacit. lib. 2. hiſtor.* Nullusq; contationi locus eſt in conſilio, quod non poſteſt laudari, niſi perfactum. *Idem lib. 1. hiſtor.* Audendo, agendoq; res Romana crevit, non ſegnibus conſiliis, quæ timidi cantavocant. *Liv. lib. 22.* Et quid contatione opus, u-

bi periculiosior est quies, quàm ipsa temeritas? Tacit. l. r. hist.
Quod optimè intelligebat Helematus, de quo Justinus lib. 26. Et Macrinus,
de quo Herodian. lib. 4. Dio lib. 78. Imò eos, quibus Princeps minatus fuit, ne-
cessitate ipsa cogi, vel de inferendâ, vel patiendâ injuria cogitare, ex
oratione Mantij ap. Lib. lib. 6. scripsit Macchiav. lib. 3. de Rep. c. 6. Volus
Jambus extat apud Clementem Alexand. lib. 4. ἡγουμένω τῶν τῶν δὲ ἐστὶ δού-
λῳ τῷ θεῷ ἡγουμένω; Qui mortis est servus, timore is haut va-
cat. Quod vel his duobus edocemur exemplis, ut non opus sit ad eruen-
dum sensum cum Heinricho Stephano l. 6. schedias. c. 20. interpungere textū.
Commodus Imp. Pratorianis militibus Letum, Electumq; prefecerat,
sed quia iidem vite ejus turpitudinem quandoq; reprehendebant, de-
crevit eos, cum multis alijs, & Martia concubina prædilecta e medio
tollere, quos omnes in schedulâ descriptos habebat, quàm cum pulvi-
nari subiecisset, eamq; puer manè invenisset, è cubiculo egressus Mar-
tia legendam porrexit, quæ Lato & Electo; bi cognito præcipiti suo
periculo ipsum sequenti nocte, dato prius veneno per Martiam haud va-
lido, interfecerunt, Herodian. lib. 1. Dio. lib. 73. Michael Traulus seu Bal-
bus, Dux bonus, in militiâ, per quem Leo Armenus vel Pardus, Impe-
rator Constantinopolitanus ad imperium evectus fuerat, imprudens
sapius postea de Imperatore suo locutus, in periculo vite aliquoties fu-
erat, & tandem cum aliquibus conspiraverat de tollendo Leone Imp.
Sed proditiâ recaptus fuit vespere nativitatis Christi. Eum Leo sta-
tim, se inspectante, vivum comburendum decernit. Sed intercedit
conjuncta Augusta ut supplicium differatur: In compedes igitur com-
pingitur, & Rex potentiam ejus suspectam habens, ne elaberetur,
claves vinculorum ad se recipit, custodiamq; Michaelis Papiæ cuidam,
cujus aliàs cura erat captivorum, demandat. Regi multa exindè eâ
nocte obversabantur animo; mediâ igitur surgit, sine ministris acceptâ
carceris clave ingreditur custodiam, in pavimento cum custodibus Pa-
piam, Michaellem verò in lecto securum dormientem invenit, simu-
lans non curare discessit, iram tamen motu manus indicans; quod è
custodibus quidam dormire simulans vidit, & postea cæteris enarra-
vit. Papias ubi Michaeli retulit, is è vestigio literis suadet alijs con-
spiratoribus celeritate opus esse, & quidem hac nocte sanctâ, quâ nihil
timetur, facinus pulchrum esse adendum, ne ipsorum consilia, si res-
diutius

Atius trahatur, in apertum perducantur. Circa matutinum igitur sum Regales Cantores templum ingrediuntur, ac suavissimè psallunt, & ipsi conspiratores irrepunt, paulò post sequente Rege, qui, dum & ipse Rex canere incipit voce paulò acutiore, in angulo quodam occultati ex improviso nudatis ensibus erumpunt: rege autem ad altare fugiente, homicida sequentes ipsum virapiunt, caput abscindunt, & dextram refecant, corpore multis vulneribus confosso: quod in hyppodromum tractum abjecerunt, Michaelémq; Regem proclamarunt, qui adhuc pedibus vincula gerebat, ad quæ clavis, quam Leo secum tenuerat, cum reperiri non posset, effracta sunt. Post Joan. Zonoram prolixè Cuspinian. in Leone Pardo. Et Curosalates. Adeo verissimè dictum à Valerio M. l. 9. c. 6. n. 1 impiam proditionem celeri poenâ vindicandam esse. Tarumq; etsi non semper honestum, censente Erasmo in Apophth. libr. 6. Theodati Chij consilium sequi, qui reliquis consiliariis Regis Ægypti consultantibus, an Pompejus victorem Casarem fugiens recipiendus esset, nec ne, consulebat; recipiendum quidem, sed enecandum, quia mortui non morderent. Plutarch. in Pomp. & in Bruto., Et Imper. Commodum, qui cum à Patre in supremis admoneretur, attritos jam barbaros ne permitteret vires recipere, respondit: ab incolumi, quamvis paulatim, negocia perfici posse, à mortuo nihil. Aur. Victor. in Commod.

Præterea justior non est ulla pena, quam pati, quâ quis in alium uti antea voluit. tot. tit. ff. quod quisq; jur. sicuti divinis Matt. 7. 8. 12 Coloss. 3. in fin. humanisq; literis est commendata ab Alexand. Imp. apud Lampr. Et Seneca in Troade, ibi: Quod quis fecit, patitur; authorem scelus Repetit, suorum premittitur exemplo nocens. Sæpeq; redeunt fraudes malignantium, ut sagitta in verticem sagittantium, Cassiod. ep. lib. 5. & Auson. ep. 71.

Doloq; non videtur fecisse, qui fraudem exclusit: ut religiosissimus, quamvis ethnicus, Jctus Papinianus, qui mori maluit quàm fratricidium Caracallæ in Getam excusare, Ælian. Spart. in Caracall. scripsit lib. 77. § 31. ff. de leg. 2. Hominem enim hominì insidiari nefas est, sed cum sit, jure etiam evenit, quod quis ob tutelam corporis sui fecit. l. 3. ff. de Just. & Jur. Et frustra legum auxilium implorat, qui contra leges peccat. l. 37. in fine ff. de minor. ne hæ ei fiant ludibrio. l. ult. §. fin. vers. ubi aut c. de bonis quæ lib. Et Ulpianus iterum respiciens ad L. Valeriam dixit

lib. 1. §. 3. ff. de dolo malo Veteres dolum bonum nominasse, & pro soler: iâ hoc nomen habuisse, maximè si adversus hostem, latronemq. quis machinetur. Quæ verba à Plauto ita efferuntur: Doli non sunt doli, nisi altu colas: Et à Plinio lib. 8. ep. Decipere pro moribus temporum, est prudentia. Unde non degeneres eas censet insidias Tacitus lib. 11. ann. quæ usurpantur adversus transfugas, & violatores fidei.

Deniq. cum aliis omnibus dominandi libido superior sit in his quæ alta cogitant, metu nisi coercueris, hic etiam sibi locum vendicat monitum C. Cassij, quo usus in persuasionem retinendi moris veteris, quo servi omnes, quotquot sub eodem lecto mansitaverant, quando ab uno eorum dominus interfectus erat, ad supplicium agebantur, absq. ullâ commiseratione numeri, ætatis & sexus, ut sua dominis plena ab iis constaret securitas: Habet inquit aliquid ex iniquo omne magnum exemplum, quod contra singulos utilitate publica rependitur. Tacit. 14. ann. ibiq. Lips. p. 394: Cujac. lib. 1. obs. 18. Quo respectu etiam justissimam severitatem pronuntiavit Ulpianus per quam evidens utilitas publica procuratur. l. 1. §. 1. ff. de inc. ruin. naufr. Horridæ, & tristes severitatis acta, strictasq. & inexorabiles vindictas, utilia esse Legum munimenta Valerius M. lib. 6. c. 3. in pr. Unde cum non tam ulciscendi causâ, quàm ut in præsens scelerati cives timore ab impugnanda patria deterreantur; & in posterum documentum statuatur, ne quis talem amentiam imitari velit; charitasq. liberorum amiciores parentes Reip. faciat; id omne quod hic per se crudele videtur, præsertim quod cum memoriâ delinquentis damnatâ, infamia & prohibita sæctionis testamenti pana ex lib. 5. C. ad L. Juliam Mtu. etiam in liberos transeat, sit excusabile; uti antiquum id esse, & omnium Civitatum commune scripsit Cicero ep. 15. ad Brut. Et quicquid valde utilis, id fieri honestum, etiam si antea non videretur. 3. offic. De his more suo docte, & eleganter Duarenus tit. ad L. Jul. Mtu. c. 4. in pr. Cum hoc judicium, munimentum sit publicæ securitatis, & tranquillitatis, & ad id facinus vindicandum pertineat, quod multo exitralius est Reip. non est mirum, si pleraq. hic aliena à jure communi reperiantur.

— Celeri

Celeri cā, sine strepitu forcers, extenuere & i regem fide ad reg
 infidiis ad averiendum periculum a Republica ej. jant. Roman. parte
 ftatu populari, in Sp. Mcluzm, Liv. lib. 4. Flor. lib. 1. Val. M. lib. 6. cap. 3.
 Cicer. pro dem. Augustin. de Cist. Dei ul. 3. cap. 17. in T. & C. Gracchum, &
 M. Fulv. Flacum Vell. Paterc. lib. 2. Plutarch. in Gracch. Appian. de bell.
 cis. lib. 1. Flor. lib. 3. Oros. lib. 5. c. 11. Plin. Jun. tit. 65 Sallust. in Jugurth. Epit.
 Lib. lib. 58. & 61. Val. M. lib. 6. c. 3. In Glauciam, Appulejum Saturninum
 Epit. Liv. libr. 69. Paterc. libr. 2. Aur. Victor. Plin. Jun. tit. 73. Cicer. pro Rabin.
 Brutus, & Cassius cum complicibus in Casarem, nihil tale cogitantem
 in ipso Senatu. Plutarch. in Cas. & Sseton. c. 8. Dio lib. 44. & 52. Epit. Lib. lib.
 116. Appian. lib. 2. bell. Cis. Paterc. l. 2. Flor. l. 4. c. 2. Oros. 6. c. 14. Eutrop. 6. c. 6.
 Sub Principatu verò; Tiberius in Seianum Sueton. in Tiber. Dio lib. 58. Val.
 M. lib. 9. c. 11. in fin. Juven. Satyr. 10. T. Vespasianus in Anulum Cecinnum.
 Sseton. in Tito, vocatur à Dione Alienus. libr. 66. Vide Lips. ad Tacit. pag. 469.
 Galba in Cl. Macrum, & C. Fontejum Tacit. lib. 1. hist. Plutarch. in Galb.
 Commodus in Perennem, & Cleandrum Herodian. lib. 1. Dio lib. 72. Seve-
 rus in Plautianum, Herodian. li. 3. Spartian. in Severo Dio & Xiphilin. lib. 75.
 & seq. Arcadius in Eutropium, Histor. trip. lib. 10. cap. 4. & Zosim. Valens
 in Procopium, Hist. trip. lib. 7. c. 7. Cuspin in Valentin & Valen. Probus in
 Saturninum Gallum Vopis. in Saturn. Diocletianus in Carausum, seu
 Crausium, Oros. lib. 7. c. 16. Euseb. lib. temp. & Cuspin. Theodosius Jun. in
 Joannem, Procop. & Socr. Byzant. item Cuspin. in Theod. & Valen. Leo Thrax
 in Asparem, ejusq. filios Ardaburem & Patriciolum, Jordan. l. de Orig.
 Gothor. Idem in ann. sub 470. Zeno in Leontium, & conjuratores, Cuspin. in
 Zenon. Justinus in Vittalianum, Idem in Justin. Michael Balbus in Eu-
 phemium, Cedren.

Apud Israelitas, Jofada Pp. in Athaliam, 2. Reg. 11. & 2. Par.
 val. 23.

Apud Persas, Filij Hyfaspis, & socij in Smerdem falsum, seu
 Spendadatem Magum, ejusq. fratrem Patizitem. post Cresiam & Herod.
 Justin. lib. 1. ex Trogo. Artaxerxes Longimanus in Ariabanum, Gnid. Cie-
 sias in Persicus pag. 4. Herod. & Iustin. lib. 3.

Apud Gracos, Alexand. M. in Parmenionem & Philoram,
 Strabo lib. 15. Plutarch. in Alexand. M. Iustin. lib. 12. Pyrrhus Rex Epiri
 in patruelem suum Neoptolemum, Plutarch. in Pyrrh.

Apud Spartanos Agesilaus Rex, tum in eos qui coitione facta Isso-
 rium, munitum & expugnatum difficilem locum, occuparant, tum in
 hos

hos, qui noctu sub Thebanorum irruptionem simul convenissent, Plutarch. in Agesil. & Alian. var. histor. lib. 14. c. 25. Athenienses, in XXX. tyrannos. Xenophon in Grecan. lib. 2. Iustin. lib. 5. in Cylonem, Herod. lib. 6. Plutarch. in Cylon. in fratrem Thimoleontis, Plutarch. in Thimol. in liberos Pisistrati per Hermodium & Aristogitonem Herod. lib. 2. Plutarch. de sera Numin. vind. Aristot. 1. Rhetor. Iustin. libr. 2. Thessali, in Jasonem Phareum, Xenoph. in Grec. lib. 6. Heracleenses, in Clearchum per Chionem & Leonidem, Iustin. lib. 16.

Apud Siculos, Guilbelmus in Majonem Amiratam per Matth. Bonellum, Thom. Fazell. de reb. Sicul. lib. 7. c. 4. Hugo Falcandi de Sicil. calamit. lib. 6. c. 5. Ioan. Michal Brut. de instaur. Ital. lib. 2. Ferdinand. Arragon. in Cap-polum, Macchiav. lib. 3. c. 6.

Apud Mediolanenses, Dux Philippus in Gabrinum Fundulum, Fulgos. libr. 9. c. 6.

Apud Venetos, Resp. in Marinum Faletrum suum Ducem, Fulgos. lib. 6. c. 3. Egnat. lib. 3. cap. 4. in Biamontem Teupolum, Idem libr. 3. c. 5. in Fran. Baldanum, Egnatius lib. 6. c. 5.

Apud Gallos, Henricus III. in Henricum & Ludovicum Gvifios, fratres. Arnold. Ferron. sub anno 1588. Nostra aetate Ludovicus XIII. in March. de Anchora.

Apud Scotos, Jacobus I. in Guilbelmum VI Duglassium Ducem Turo-nensem: Et Jacobus II. in Guilh. Duglass. Pro-Regem Scotie, Henning. geneal. tom. 4. part. ult. pag. 178. & seq.

Apud Svecos, Byrgerus in Ericum & VValdemarum germanos suos. Idem eodem tom. pag. 235.

Apud Polonos, Boleslaus Disortus in Sbigneum fratrem nostrum, frustra ejus opem implorantem contra hos, qui jurgio de industria ipsum aggrediebantur. Crom. lib. 5. Stephanus Bathoreus in Samuelem, & Christophorum Sborovios, Salomen Neugebauer lib. 10. rer. Polon. & Laur. Moller. in hist. Sept.

Apud OstroGothos, Theodoricus in Odoacrem, Cassiod. & Procop. lib. 1. bell. Goth. Iordan. in annal.

Apud Hungaros, Ferdinandus I. in Georg. Martinusum ex monacho Cardinalem, & Episcopum VVaradiensem. Thuan. lib. 7. Rudolphus II. in Michaellem Principem Walachia per Bastam.

Historia autem sunt judicata, & testimonia Fab. Quintil. insit. Orat. 1. 11. c. 4. Earumq. usus in ipso jure: l. 2. ff. de orig. iur. l. 1. ff. de offic. pref. Prator. l. 1. ff.

1. ff. de offic. quest. l. 3. ff. de offic. prator. l. 8. ff. l. Jul. M. l. 36. ff. de solut. l. 1. §. 1. ff. de contrab. empt. §. 2. Instit. de empt. l. 39. ff. de panis. & passim Instit. de l. N. G. & C. & in princ. Instit. qui & q. ex c. m. n. p. & tot. seq.

Nihilq³ talibus profuerunt majorum, vel etiam propria priora temporis merita. M. Manlius unde Gallos depulerat, inde ipse precipitatus est, cum fortiter de sensam libertatem nefarie opprimere conatus fuerat. Cujus ultionis hac prafatio fuit: Manlius eras mihi cum precipites agebas Senones; postquam mutari cepisti, unus factus es ex Senonibus. Valer. M. lib. 6. c. 3.

Nec novum quod in talibus suppliciis sumendis licitorum, & car-nificum ministerio fungantur milites: Nam & olim jussu Dictatorum & Principum functi sunt, imò & centuriones, ac tribuni. Ex Tacito Arriano, & Seneca Lips. ad 15. ann. Tac. pag. 418. in quo sibi prospicere solebant accepto ab Imperatore libello, quo cades injungebatur. Solenne autem erat perpetrata cade illis verbis referre: factum est quod imperasti, ut ex Tacito, Herodiano, & aliis firmat Scipio Gentilis de jurisd. lib. 1. c. 17. Et sunt qui de tali ministerio militum simpliciter accipiunt verba Ulpiani in l. 4. ff. de offic. Procons. cum ait: Nemo Proconsulum statores (ita enim prostratoribus rectè se legere opinantur, adju-ri verbis Ciceronis epist. ult. lib. 2. famil. ibi, existimavi faciendum, ut ad te statores lictoresq³ cum literis mitterem. Vide Rebard. 1. varior. 12.) suos habere potest, sed vice eorum milites eo ministerio in provinciis fun-guntur, & c. Stator autem dicitur, qui adstat lateri magistratus, & corporis est stipator, ut quando opus sit, ad imperium, nutumq³ Re-gis pressò foret, teste Alexandro ab Alex. 17. genial. dier. Et glossa inter-pretatur, idem esse quod apparitor: d. t. 4.

Extra speciale autem mandatum, ut militi, vel cuiquam priva-to, vi deicere, aut interficere liceat delatum, aut suspectum tantum, anceps est dubitatio: quia fieri potest, ut is, qui jus habet imperij, ma-tit talem in commodius tempus relinqui, quam periculosus, ac cruentis moribus occasionem dari, qui plarumq³ sequi solent, iis violatis, aut in-terfectis, qui validam habent factionem in populo, aut externos etiam amicos. Certè an rem in id periculum adduci velit Rex, aut populus, in-certum est. Favonius Stoicus, Senator Romanus, dicebat, Pejus esse bellum civile quovis dominatu illegitimo. Plut. in Bruto. Firmat id exemplo Iasonis, ex 2. Maccab. 5. v. 6. Iesuita Menochius lib. 3. polit.

pol. c. 9. n. 3 ubi admonet Principem, si aliqua turba corripuerint tranquillitatem Reip. ut semper meminerit, contra cives bellum esse; quantumque sanguinis suorum sparserit, tantum Reip. vires infringi, ac debilitari, quæ tot civium minuta capitibus, ad eam deventum sit imbecillitatem, ut externa bella, si forte ingruant, propulsare non possit &c. Rectè igitur gravissimam esse deliberationem, libertas an pax placeat, prudentissimus Tacitus scripsit. Hugo Grot. de jure belli, ac Pac. lib. 1. c. 4. n. 19.

Nec his de ministerio militum officit responsum Senatus Rom. ap. Eutrop. lib. 4. c. 3. nunquam placuisse Imperatores bellicos à suis militibus interfici. Loquuntur enim ibidem in casu, quando externus aliquis hostis à propriis suis militibus proditoriè necatur. Viriatus Lusitanus Romanorum arma per quatuordecim annos fortiter contriverat, contra hunc Cæpio consul missus, sse magnorum premiorum militibus Viriati persvaserat assassinium, qui postea Romanam cum pervenerunt flagitantes quod promissum ipsis à Cæpione fuerat, illud audire coacti sunt: De eo Orosius lib. 5. c. 2. sic: In hoc solo Romanis fortiter circa Viriatum agentibus, quod percussores ejus indignos premio judicarunt: Et Val. Maximus lib. 9. c. 6. n. 4. nominat eam victoriam non meritam, sed emptam. Ad eundem ferè modum Senatus referente Tacito lib. 2. ann. in fin. ad exemplum Fabricij, de quo Plutarch. in Pyrrho, & in Apoph. Lib. lib. 9. dec. 4. & lib. 2. dec. 5. Epit. lib. 13. Flor. 2. c. 18. Val. M. lib. 6. c. 5. Eutrop. lib. 2. Gellius lib. 3. c. 8. Ælian. Var. histor. lib. 12. Cic. 3. offic. & 5. de fin. Senec. ep. 111. Front. lib. 4. stratag. 4. Suidas in voce Pyrrh. Claudian. de bello Gildon: & eò respiciens Flor. lib. 2. c. 20. ubi scribit Aquilum Romanorum arma contra fas moresq. majorum medicaminibus impuris violasse, & quorundam majorum suorum (de legatione Martij, & Attilij ad Regem Persem, qui in relatione expeditionis suæ de re nullà magis gloriabantur, quam de decepto per inducias, & spem pacis, Reg. ap. Lib. lib. 2. dec. 5.) Germano cuidam, non Germano, ut censet Lipsius, quamvis Cætorum Principi, literis Herminij mortem promittenti, si patranda neci venenum mitteretur, respondit; Populum Romanum hostes suos non fraude, neq. occultis, sed palàm, & armatum ulcisci. In bello enim justo, etsi quicquid in hostibus facimus, jus belli defendat, dicente Marcello ap. Liv. lib. 11. sicq. hostem immisso percussore interficere licet de jure gentium; non tamen hoc exaudiendum est ratione fidei expresse, vel tacite, debita percussio: quo casu etiam contra jus gentium faciunt

gentium faciunt, qui talium utuntur opera, Hug. Grot. de iure bell. & pac. lib. 3. c. 4. n. 18. Non mirum igitur & tunc, in assassinio Viriati, eam damnatam, & rejectam fuisse. Scipio apud Livium lib. 26. & sua, & populi Rom. interesse ait, ne quid quod uspiam sanctum esset, apud ipsos violaretur. Dixit uspiam; ecce quid Alexander M. ad Darium? apud Curt. lib. 4. impia bella suscipitis, & cum habeatis arma licitamini hostium capita. Talem victoriam, & mortem morte punivit David, 2. Sam. 2. Alexander M. Justin. lib. 12. Plutarch. in Alex. Curt. lib. 5. Julius Caesar, Plutarch. in Bruto & in Pomp. Ipse Cas. belli civil. lib. 3. Imp. Claudius, Dio lib. 60. in pr. Ioseph. lib. 9. cap. 13. Vitellius, Tacit. 1. Histor. Julianus & Severus, Dio lib. 73. Herodian. lib. 3. Maximinus, Jul. Capitol. in Maxim. Valens, Cuspin. in Valentin. & Valen. Aurelianus, Tacitus, Probus, Vopisc. in eor. sitis. Diocletianus, Oros. lib. 7. c. 16. Vopisc. Pomp. Letus in Numer. & Dioclet. Theophilus, Aimoinus, & Cuspin. in Theoph. sibi ipsis eo modo de securitate prospicientes ex monito Darij ap. Justin. lib. 11. Regibus Regale nomen magnum, & sanctum videri, ait Cicero in Orat. pro L. Manil. Tacitus 1. histor. respiciens ad Ciceronis ep. 15. ad Brut. & Sesonij in Titoc. 6. vocat Principum munimentum ad præsens, & in posterum. Negabat Eumenes credere se quenquam Ducum se velle vincere, ut ipse in se exemplum pessimum statueret Iustin. lib. 14. Regi tuenda est maxime Regum salus. Sophocli. & Senec. in Oedipo. Nec eam sibi Eumenis, vel etiam diras, ac inferias suis proditoribus surdis dictas, ut inopes, extorresq. omne evum in castrensi exilio agerent, devorarentq. eos arma, quibus plures proprios, quam hostium Duces absumpsissent, deseruit eventus. Antigonus Argyraspidas, qui eum victum tradiderant, muneribus quidem primo ornavit; sed postea, ut eorum perfidiam caveret, mille ex iis socios Sigurtio, vel ut habet Plutarchus in Vita Eumenis, Ibyrcio; Diodorus vero, Sibyrto, Arabia Prefecto, tradidit: alios vero in alia munitissima loca, & invia, praesidii causa dimisit. Polyen. lib. 4. stratag. c. 6. s. 14. Iustinus ita eloquitur lib. 14. Antigonus dormitores illos orbis Argyraspidas exercitui dividit. Pluribus recenset Diodorus Siculus lib. 19. biblio. c. 44. & 48. ibiq. tradit, Argyraspidum antesignanum iussu Antigoni comprehensum, vivumq. in loculo conditum, exustum fuisse, additq. operas cum impietate conjunctas Principibus quidem ob potestatem utiles evadere; sed

privatis, à quibus navantur, ingenria, ut plurimum, mala creare.

Sed ut è diverticulo in viam redeamus, licet ea celeritas executionis faciat ad bonum publicum; regari tamen non potest, cò modo & innocentes sapè perire: quod pluribus à Constantio Gallo Cæs: factum fuisse scribit Ammian. Marcellinus lib. 14. c. 28. à Carino Cæs. Aurel. Victor in Caro, C. Fontejo Capitonio Galba, Tacitus lib. 1. hist.

Nec est tutum semper J Cio pro ea opinione respondere, Iulius Clarus in praxi Crimin. §. lesa Mtu n. 17.

Et in Ciceronis ex Catonis consilio factum invehitur Calenus apud Dion. lib. 46.

Taxatq; Scipio Gentilis disp. de L. Cornelia: L. Portia; L. Clodia. Ejusq; ipsam Ciceronem tacitè panituisse haut obscure patet ex ejus epistolis ad Atticum passim: & alicubi expressè fatetur convertum esse orbem Reip. culpa Catonis.

Sic summis Principibus nimia hac festinatione, novercà consiliorum, summa sapius pericula creata, & excidium. Antipater Alexandri M. Praefectus Graecia & Macedonia, qui in ejus absentia utramq; provinciam rectè, magnaq; autoritate rexit, cum audisset occisum ab Alexandro Parmenionem; dixit, Si Parmenion insidiatus est Alexandro, cui tandem credendum erit? Sin minus, quid agendum est. Ex Plutarch. in sua Apoph. Erasmus lib. 5. Fremere etiam omnes universis castris capere, innoxij senis, filijq; Philota casum miserantes, interdum sequoq; non debere melius sperare dicentes. Antipater autem cum se magnis suis rebus in Graecia gestis, & criminationibus Olympiadis, matris Alexandri, non tam gratum apud Regem, quàm invidiosum esse arbutaretur, proptereaq; à Macedonia, non ad societatem militiæ, sed ad mortem evocatum esse; auctor insidiarum vitæ Alexandri factus est, filiumq; suum Cassandrum dato veneno subornavit, qui cum fratribus Philippo, & Jolla ministrare Regi solebat, amici postea causam morbi intemperiem ebrietatis disseminaverunt, & insidiarum infamiam successorum potentia oppressit. Justin. lib. 3. Diod. Sicul. lib. 17. 19. Plutarch. in Alex. Curt. & Arrian. lib. 7. De Perenne testatur Dio lib. 72. indignum fuisse eum isto genere mortis, tum sua, tum Rom. Imperii causa, mori: Nunquam cum incubuisse ad opes, & gloriam, sed continentissimum, ac modestissimum fuisse, tutumq; imperium Commodi prestitisse: eoq; mortuo

Casarce

Casareanos, quorum Cleander, qui Perennem graviter odisset, fuisse princeps, nulum scelus genus omittere, omnia incendere, injuria omnes afficere, vexareq; contumeliis capisse, cum interea Commodus indulgisset voluptatibus. Et de Georgio Martinusq; Thuanus d. 17. Virum fuisse pacē, bellog; clarum, & profundā prudentia, cum paucis equiparandum: Quam prudentiam dum temporibus accommodasset; & ut patriæ suæ Hungariæ ferē semper bono, Turcorum voluntati morigeratus fuisset; multorum invidiam, ac postremo exitiale odium in se concitasse; quibus tandem effectum esset, ut de ingentibus suis thesauris constanti fama sparsa, Castaldum percussorem, spe lucri, contra se armavisset, qui cum affectu Ferdinando Imp. persuasisset, quod Georgius clandestina cum Turcis, in Christiana Reip. perniciem, consilia agitaſſet; reverā tamen ejus cadi propter thesauros inhiasset, qui tamen postea modici reperi fuissent: omni eā pecunia, quam se positam, crediderant, in publica opera, & exercitus consumptā, ab homine liberali, qui nulla privata charitate, à curā Reip. quam exacta fide & diligentia administraverat, averri potuisset.

Ut autem disputationi nostræ finem imponamus, & in quo acquiescat, mens habeat in hoc bivio opinionum; prior, quod scilicet etiam in hoc gravissimo perduellionis, aut læsæ Mris crimine, non absq; præviâ causâ cognitione procedi debeat, locum habet, quando delatus, aut reus, nec arces occupavit, nec plebem seduxit, nec cohortibus armatus est, nec simul factum aliquod evidens appareat: posterior autem, quando contraria sunt in aperto, aut ex haud levibus signis deprehenduntur. Idq; ut statuamus, nobis suggerit sententia Ciceronis ap. Dionem lib. 45. cum ait. Civibus injustis supplicia infligenda sunt confestim: judicio quidem, si sentētiās de iis ferre liceat: voce, non tabellā ex L. Cassia de suffragiis, latā anno U. C. 666. Sed postea etiam tabellā, ex L. Celiā, latā an. U. C. 650. quā confirmata L. Papiria, quæ novē ann. præcesserat, sin ad arma confugerint, bello persequendi sunt, &c. Et Mecenatū, in consilio de retinendā, & benē administrandā Rep. ad Augustum apud eundem Dionem lib. 51. ibi: Si perniciem tibi machinatus quis fuisse culpetur, in Senatum adductum causam dicere jube; ac si vincatur, plecte; ut fides crimini fiat: Nam quidam difficulter adducuntur credere, ab in-


errata

ermi insidias armato structas; Hic tamen eos exclusos ve-
lim, qui, cum exercitum obrineant, contra te insurgunt
Neq; enim hi in iudicium pertrahendi, sed hostium loco
ilicet puniendi. &c. *Qua sententia confirmantur etiam calculo*
Plutar: in vit. Galba dicentis: quod in Africa Clodium Macrum
operâ Treboniani; & Fontejum in Germania, ministe-
rio Fabij Valentis necavit, eo defendi potuit, quod ab iis
arma, exercitusq; tenentibus sibi metuisset. Accedit Sve-
tonij & Dionis d. l. de facto T. Vespasiani in Cecinnam, qui in pala-
tio, statim ut surrexit à Cenâ Imperatoriâ, jussu Titi occisus est.
ne quid nocte prior moliretur, siquidem jam magnum
numerus militum, ut deprahensum fuerat ex ejus chi-
rographo, comparavisset: Iunctis iis, quæ idem Dio habet lib. 60.
de Asinio Gallo, Drusi fratre uterino, qui insidiatus quidem erat Imp.
Claudio, (quod ipsum perstringit & Svetonius in Claudio c. 19.) non ta-
men morte, sed exilio multatus fuit, propterea quod neq; exer-
citum paravisset, neque pecuniam contraxisset. &c.
Ex quibus ita declaratis verus simul elicitur intellectus l. 7. §. 3. ff. ad
L. Jul. Mris, ubi J. Felus Modestinus jubet, in hoc crimine personam,
quæ delata est, spectari, an potuerit facere, & an ante quid fecerit. &c.
Ei evidentior fit justitia sententia M. Lepidi in condemnatione C. Lu-
torij, ex vaniloquentia Mris delati, ap. Tacit. lib. 3. ann.

Moniti meliora sequemur.

*Non catulus, partu quem reddidit ursa recenti;
Sed maleviva caro est: lambendo mater in artus
Fingit, & in formam, quantum caput ipsa, reducit.*

Ovid. lib. 15. metam. fab. 33.



Biblioteka Jagiellońska



stdr0013916

